

Bosna i Hercegovina
Federacija Bosne i Hercegovine
TUZLANSKI KANTON
Ministarstvo trgovine, turizma i saobraćaja

Broj: 05/1-30-26709/25
Tuzla, 21.07.2025 godine

Na osnovu člana 50. stav (4) Zakona o državnoj službi u Tuzlanskom kantonu („Službene novine Tuzlanskog kantona“, broj 11/24-prečišćeni tekst) u vezi sa tačkom II Odluke o davanju saglasnosti, broj 02/1-30-19610/25 od 15.07.2025. godine i člana 8. Pravilnika o unutrašnjoj organizaciji Ministarstva trgovine, turizma i saobraćaja Tuzlanskog kantona, br. 05/1-02-020645/22 od 20.06.2022. godine, 05/1-02-000534/25 od 13.01.2025. godine i 05/1-02-018115/25 od 04.06.2025. godine, Ministar trgovine, turizma i saobraćaja objavljuje

OGLAS

za popunu upražnjenog radnog mjesta državnog službenika u Ministarstvu trgovine, turizma i saobraćaja Tuzlanskog kantona, na određeno vrijeme do 12 mjeseci po hitnom postupku

- „Stručni savjetnik za turizam i ugostiteljstvo“jedan izvršilac na određeno vrijeme do 12 mjeseci.

Opis poslova upražnjenog radnog mjesta:

- učestvovanje u izradi prednacrt, nacrt i prijedloga zakona i drugih propisa,
- pripremanje analiza, izvještaja, informacija i drugih stručnih i analitičkih materijala u oblasti turizma i ugostiteljstva, kojima informiše nadležne organe o stanju i problemima u turizmu,
- pripremanje, preduzimanje i predlaganje odgovarajućih mjera, radnji i postupaka u cilju utvrđivanja stanja u oblasti turizma i ugostiteljstva i posljedica koje mogu nastati u toj oblasti,
- pripremanje, preduzimanje i predlaganje mjera radi utvrđivanja politike u oblasti turizma i ugostiteljstva i mjera za uređivanje određenih pitanja kojima se osigurava potpuno provođenje utvrđene politike, zakona, drugih propisa i općih akata,
- praćenje funkcionisanja sistema turističkih zajednica i ostvarivanje ciljeva i zakonskih zadaća turističkih zajednica, te praćenje zakonitosti rada turističkih zajednica i izvršavanje drugih poslova u skladu sa ovlastima,
- iniciranje aktivnosti i sudjelovanje u izradi strategije razvoja turizma i ugostiteljstva njenom provođenju,
- učestvovanje u pripremi tenderske dokumentacije i proceduri javne nabavke za potrebe Odjeljenja,
- učestvovanje u provođenju propisa o razvrstavanju i kategorizaciji smještajnih i turističkih objekata u neposrednom postupku,
- predlaganje i organizovanje medijske kampanje u cilju promocije turizma u Kantonu,
- praćenje i proučavanje stanja i pojava u oblasti turizma i ugostiteljstva, na osnovu prikupljanja podataka ili podataka koje dostavljaju drugi organi ili pravne osobe i obrađivanje tih podataka, sa prijedlogom mjera za rješavanje utvrđenih problema,
- analiziranje učinka i doprinosa turizma privrednom razvoju Kantona, te analiziranje djelovanja zakona i privredne politike na turizam, ugostiteljstvo i pojedine grupacije,
- vođenje službenih i drugih propisanih evidencija u oblasti turizma i ugostiteljstva,
- saradnja sa privrednim subjektima i tijelima lokalne samouprave u pogledu primjene zakona i drugih propisa, a koji se odnose na turizam i ugostiteljstvo,
- učestvovanje u realizaciji planova i projekata za unapređenje turizma i ugostiteljstva kroz javne pozive,
- praćenje i analiziranje kretanja zaposlenosti i potrebe obrazovanja kadrova,
- učestvuje u pripremi programa rada i izvještaja o radu Odjeljenja,
- pripremanje i saradnja u pripremi odgovora na poslanička pitanja,
- obrada materijala na računaru, obrada i ažuriranje baze podataka i izrada tipskih izvještaja i drugih akata,
- učestvovanje u pripremi i realizaciji postupaka javnih nabavki u oblasti turizma i ugostiteljstva,
- obavljanje i drugih poslova po nalogu pomoćnika ministra.

1. Uslovi za obavljanje poslova upražnjenog radnog mjesta

Opšti uslovi utvrđeni članom 38. Zakona o državnoj službi u Tuzlanskom kantonu:

- a) da je državljanin Bosne i Hercegovine;
- b) da je stariji od 18 godina;
- c) da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;
- d) da je zdravstveno sposobno za obavljanje poslova predviđenih za to radno mjesto;
- e) da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
- f) da nije obuhvaćeno odredbom člana IX 1. Ustava Bosne i Hercegovine;
- g) da se protiv njega ne vodi krivični postupak;

2. Posebni uslovi za vršenje poslova:

- VSS – ekonomski, tehnički ili fakultet prirodnih nauka-smjer turizmologija, sa stečenom diplomom visokog obrazovanja ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje najmanje sa 240 ECTS bodova,
- najmanje 3 (tri) godine radnog staža u struci ostvarenog nakon završene visoke stručne spreme,
- položen ispit općeg znanja za rad u organima državne službe,
- poznavanje rada na računaru (MS Windows i Excel) i
- položen vozački ispit „B“ kategorije“.

3. Uz prijavu na oglas koja sadrži adresu prebivališta, e-mail adresu, kontakt telefon i kratku biografiju i koja mora biti potpisana, kandidat prilaže sljedeće isprave kojima se dokazuje ispunjavanje opštih i posebnih uslova:

- uvjerenje o državljanstvu (ne starije od 6 mjeseci) ili kopija CIPS-ove lične karte,
- izvod iz matične knjige rođenih (ne stariji od 6 mjeseci),
- diploma o završenom visokom obrazovanju,
- uvjerenje o radnom stažu,
- uvjerenje o poznavanju rada na računaru (MS Windows i Excel),
- uvjerenje o položenom ispitu općeg znanja,
- dokaz o položenom vozačkom ispitu „B“ kategorije,
- izjava kandidata da u posljednje tri godine, od dana objavljivanja upražnjenog radnog mjesta, lice nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini,
- izjava kandidata da nije obuhvaćen odredbom člana IX 1. Ustava BiH.

Svi dokumenti moraju biti u originalu ili ovjerene kopije.

Kandidati koji su obavljali poslove javnih nabavki, poželjno je da dostave opis poslova radnog mjesta na kojem su stekli traženo iskustvo sa potvrdom ranijeg poslodavca ili drugi dokaz.

Komisija će razmotriti sve prijave podnesene na oglas i utvrditi listu kandidata koji ispunjavaju uslove oglasa i listu kandidata koji ne ispunjavaju uslove oglasa. Lista se utvrđuje prema svim činjenicama koje su tražene oglasom.

Sa kandidatima čije prijave budu ispunjavale uslove oglasa bit će obavljen intervju u cilju utvrđivanja poznavanja propisa iz opisa poslova navedenog radnog mjesta, sa posebnim osvrtom na Zakon o javnim nabavkama Bosne i Hercegovine („Službeni glasnik Bosne i Hercegovine”, br. 39/14, 59/22 i 50/24), Zakon o turističkoj djelatnosti Tuzlanskog kantona („Službene novine Tuzlanskog kantona“, broj 08/14) i Zakon o ugostiteljskoj djelatnosti Tuzlanskog kantona („Službene novine Tuzlanskog kantona“, br. 01/12 i 14/16).

Izabrani kandidat je dužan dostaviti ljeakarsko uvjerenje o opštoj zdravstvenoj sposobnosti za obavljanje poslova radnog mjesta (ne starije od tri mjeseca) i potvrdu da se protiv njega ne vodi krivični postupak (original ili ovjerena kopija).

Oglas ostaje otvoren pet dana od dana objave na web stranici Vlade Tuzlanskog kantona i Ministarstva trgovine, turizma i saobraćaja Tuzlanskog kantona.

Sve tražene dokumente treba dostaviti u roku od pet dana od dana objavljivanja, neposredno, u zatvorenoj koverti, na adresu: Ministarstvo trgovine, turizma i saobraćaja Tuzlanskog kantona, Fra Grge Martića br. 8, 75000 Tuzla, sa naznakom „OGLAS za popunu upražnjenog radnog mjesta državnog službenika u Ministarstvu trgovine, turizma i saobraćaja Tuzlanskog kantona, na određeno vrijeme do 12 mjeseci po hitnom postupku“.

Nepotpune i neblagovremene prijave na oglas neće biti razmatrane.

MINISTAR
Almir Žilić, dipl. eec

